



## Eneo la Mradi na Mnyororo ya Thamani

Mradi wa PFS unatekelezwa katika mikoa 16 ambayo ni; Mbeya, Arusha, Songwe, Katavi, Iringa, Njombe, Kilimanjaro, Morogoro, Manyara, Rukwa, Ruvuma, Dodoma, Shinyanga, Simiyu, Lindi na Mtwara.



Wilaya ambazo mradi wa PFS unatekelezwa



Kielelezo cha mnyororo wa thamani ya zao la mahindi /mpunga



PFS itaendeleza mnyororo ya thamani ya mazao 7, ambayo ni; mpunga, mahindi, kunde, pamba, mtama, ufuta na alizeti.

## Mnyororo ya thamani za bidhaa

Mradi wa PFS utaendelea kutumia mnyororo wa thamani kushughulikia changamoto muhimu katika mazao yalioainishwa, kama vile uhaba wa huduma za ugani, upatikanaji wa pembejeo, soko la uhakika n.k. Mazao ambayo mnyororo ya thamani itaendelezwa kwenye mradi huu ni Pamoja na Mpunga, mahindi, kunde, pamba, mtama ,ufuta na alizeti.



Mratibu wa Mradi Taifa, Ubia wa Kilimo Tanzania,  
Kiwanja Na. 886, Kitalu Na. 45, Nyumba Na. 003, Mwananyamala  
Barabara ya Bagamoyo, Eneo la Victoria  
S.L.P. 14130, Dar es Salaam -Tanzania.  
Simu: +255 (0) 22 2 761 344 Barua pepe: act@actanzania.or.tz  
Tovuti: www.actanzania.or.tz



## Ubia wa Kilimo Tanzania



# Mradi wa PFS

Tanua wige kwa matokeo zaidi

## Chimbuko la Mradi wa PFS

Mradi huu unaratibu na kuwezesha watendaji mbalimbali kwenye mnyororo wa thamani na wadau chini ya mfumo wa ushirikiano kati ya sekta ya umma na binafsi (PPP). Mradi unatekelezwa na Baraza la Kilimo Tanzania (ACT). Lengo lake ni kuchangia na kuongeza kiwango cha mafanikio yaliyopatikana kwenye awamu ya pili ya Mradi wa Ubria wa Kilimo Tanzania (TAP II) katika kipindi cha (Oktoba 2014 hadi Mei 2020). Mradi huo ulifanikiwa kuchochaea ukuaji wa kilimo kwa kutumia mbinu za kilimo-biashara na uwekezaji.

Miongoni mwa ya mafanikio ya TAP II ni: kuboresha mbinu za kilimo. Mathalani, kilimo hifadhi kilichoongeza uzalishaji wa mahindi kwa 86.3%, na kilimo shadidi cha mpunga kwa 55.2%. Mafanikio mengine ni pamoja na ongezeko la upatikanaji na matumizi ya pembejeo kwa 15% kwenye mahindi, na 10% kwenye mpunga. Pia ongezeko la faida kwa 108% kwenye mahindi, na 126.3% kwenye mpunga. Aidha upatikanaji wa huduma za kifedha (mikopo) uliongezeka kwa 9%.

Mradi wa PFS, ni mwendelezo wa TAP II ambao wabia walithathmini mafanikio yaliyopatikana katika TAP II na kuamua kuongeza kiwango cha ubunifu kwenye uzalishaji kutoka wilaya 29 hadi 33 katika mikoa 16. Mradi huu unatarajia kuwafikia wakulima wadogo 366,900 ukilinganisha na wakulima 150,000 waliofikiwa kwenye TAP awamu ya kwanza na ya pili. Mradi utatekelezwa kwa miaka mitatu, kuanzia Oktoba 2020 hadi Septemba 2023.



Mkutano wa wadau wa kilimo ambao walishiriki uzinduzi wa Mradi wa PFS uliofanyika Desemba 2020, Nasheera Hotel, Dodoma.

## Malengo ya Mradi

Lengo kuu ni kuongeza usalama wa chakula na lishe, na kupunguza umasikini kwa 17%. Halikadhalika ukosefu wa lishe kwa watoto kupungua kwa 5%.

### Malengo ya Kimkakati

- i. Kuongeza tija katika uzalishaji kwa wakulima wadogo (kutoka asilimia 14 hadi 115 kutegemeana na zao husika);
- ii. Kuongeza fursa za kibashara na kutengeneza ajira kwenye sekta binafsi kwa asilimia 30;
- iii. Kuboresha kiwango cha lishe katika kaya za wakulima kwa asilimia 30.

## Afua ya Mradi

Afua ya mradi huu ni: kuhamasisha upatikanaji wa pembejeo bora kwa wakulima, kusambaza teknolojia mpya za kilimo, utekelezji wa majukumu ya pamoja kwa wakulima wadogo, uhifadhi wa maliasili, kuimarisha uhusiano ndani ya sekta binafsi, kujenga uwezo wa kitaasisi na mazingira rafiki ya kibashara, uwekezaji katika kaya na matumizi ya lishe anuwai, kuongeza hitaji ya mazao-lishe yenye uwezo wa kukabiliana na mabadi-liko ya tabianchi, na kupaisha upatikanaji wa chakula bora.



Sampuli ya chakula chenye afya na lishe.



## Mkakati wa Utekelezaji

Tangu kuanzishwa kwa mradi wa Ubria wa Kilimo Tanzania (TAP), ulizingatia mashirikiano na wabia kadhaa katika kazi walioongeza chachu ya mafanikio katika awamu zote mbili. PFS itatumia mbinu ileile ya kujenga ubia katika utekelezaji wa mradi. Mradi wa PFS, unatekelezwa kwa lengo la kuongeza uwezesajhi na ushirikiano ili kuhakikisha ubia huo unaimarika hadi kufikia mafanikio tarajiwa. Aidha mradi huu unatumia ujuzi na maarifa ili kuondoa vikwazo vikuu kwenye mnyororo wa thamani. Mradi umeainisha Asasi za Kiraia 35, wabia kutoka setka ya umma na binafsi (ndani na nje ya nchi) wenye uwezo wa kutimiza majukumu mbalimbali katika ubia huo.

Baadhi ya wabia ni; CFU (Shirika lisilo la kiserikali la kikanda, linalojihusisha na kilimo hifadhi), RUCODIA (Shirika lisilo la kiserikali la ndani, lililobobeza kwenye teknolojia ya kilimo shadidi kwenye zao la mpunga), AMBERICO (Shirika la wakulima wa ndani), PASS (Shirika la kifedha, linalojihusisha na utoaji wa mitaji), SAGCOT (Shirika la ndani, linaloshughulikia uwekezaji endelevu kweye sekta ya kilimo), Yara International Ltd, (wazalishaji na wasambazaji wa mbolea), RUDI (Shirika la ndani, linalojihusisha na utoaji wa elimu kwa wakulima), Lonagro Tz Ltd (Shirika la kimataifa, linalojishughulisha na usambazaji wa zana kwa ajili ya kilimo hifadhi), Norges Vel (Shirika la kimataifa linalosaidia mashirika ya wakulima wafanikishe kilimo-biashara na masoko).